

B. N. C.
FIRENZE

1148

30



1148.30

LAVDATIO FLORENTIÆ

HABITA IN FVNERE

ISABELLAE HISPANIARVM

REGINAE,



A Ioanne Baptista Adrianio, in
diui Laurentij Aedibus.

NONO KAL. DECEMB.

M. D. LXIIX.

1148
30



FLORENTIÆ,

Apud Iuntas 1568.

642



IAVDATIO FLORENTIE

HABITA IN TURRE

ISABELLAE HISPANICARVM

REGINAE

A Ioanne Baptista Adriano in
diuinae scientiae studio.

NONO KAL. DECEMB.

M. D. LXIX.



FLORENTIE

apud Iacobum 1728.



Unquam fore putassem Il-
 lustrissimi atq; Excellētiss.
 Principes, amplissimi Ma-
 gistratus, nobiliss. Proce-
 res, ut publicus hic luctus
 me tantopere commoueret,
 ut non solum graui dolore
 ipse afficerer, sed consilio, rationeq; huius officij, quod mi-
 hi publice est iniunctum, planè omni deturbarer: ut quid
 in tanta acerbitate faciendum, dicendumq; esset reperi-
 re vix possem. Subijt enim animum quantum ex interi-
 tu immaturo, atq; acerbissimo Isabellæ Hispaniarum
 reginæ, puellæ nobiliss. reip, Christianæ damni sit inue-
 ctum. memini enim non multis ab hinc annis illius con-
 iugio finem grauißimis bellis, quæ plurimos annos omnē
 pene Europam diuexauerant, fuisse impostum: duosq;
 potentißimos reges, multas bellicosißimas nationes, re-
 gnaq; opulentißima; quæ antea insensißimis odijs inter
 se dimicauerant fuisse conciliata: putabamq; dum illa
 viueret, & Philippo regi marem sobolem procrearet,
 quæ regnis, regijsq; opibus succederet; fore ut nullum am-
 plius a bellis nobis periculum immineret; & ut commu-
 nes hostes, qui Christianam remp. exercent, & fædera-
 tis, affinitibusq; regibus insens sunt, cōmuni consilio debel-
 larentur. quod quamuis pro illorum sapiētia, & opibus
 nihilominus breui futurum esse mihi persuadeam. hic ta-
 men casus me valde sollicitum habet non tam ipsis regi-
 bus, quàm cōmuni omnium Christianorum saluti me

tuentem . illorum enim periculum multo maxima ex
parte nostrum periculum est . quo fit ut communi causa
vehementer perturber, doleamq; sedulo tempore minime
opportuno clarissimum, & salutare mortalibus huma-
nissima Regina lumen esse extinctum, atq; id etiam ve-
hementius: quod Illustriss. Principibus nostris arcta af-
finitate illa coniuncta erat: siquidem Caterina amplissi-
ma Gallorum Regina a Laurentio Medice Urbini du-
ce procreata, & in praclarissima hac vrbe cuius pater
principem locum obtinebat in lucem excepta, & hinc in
Francisci Gallorum Regis familiam amplissimam nu-
pta, & ad regiam dignitatem una cum viro euecta illa
primo foeminarum partu edidit; cuius interitu nihil vn-
quam grauius, aut acerbius nostri illustrissimi Principes
tulerunt . quod & re, & vultu, & lacrimis atq; hac lu-
gubri specie significant. qui sensus, ut arbitror, est non so-
lum omnium nostrum, qui his sacris intersumus, sed to-
tius etiam humanissima ciuitatis . quo factum est ut sa-
cra hac, quae mortuis fieri consueuerunt lugubri hoc ap-
paratu, & sunebri pompa ex pio clarissimorum Princi-
pum instituto hodierna die magnifice celebrentur, qui-
bus etiam nequid ad summam pietatem desit, laudatio-
ne a me addi voluerunt, puto ut regis virtutibus, illiusq;
bonis referendis, & mortuae memoria celebretur, & do-
lor, atq; egritudo ob illius interitum animis nostris infi-
xa molliatur. quorum alterum pro ea facultate, quae no-
bis est, quamuis exigua illa sit, praestare nitemur, ut ex
infinitis pene, quae illam ornabant, aliquot referamus. al-

terum

rerum vereor quomodo consequi possimus. si quidem in
singulis referendis, cum nobiscum reputauerimus, quor,
& quātis bonis orbari sumus, ingemiscamus necesse est.
sed tamen, & operæ precium me facturū, & officio huic
satis consultum fore existimabo, si id quod in hoc genere
fieri consuevit præstitero. vestra autem summa sapien
tia Illustrissimi Principes erū videre, ut ea, quæ casus &
natura ferant, humaniter feratis, putetisq; nihil esse in
malis, quæ naturæ necessitate eueniunt, quod cum alijs
mortalibus cōmune nō sit omnibus. Huius autem, quam
instituiimus, laudationis inde principium ducetur, unde
illa, quæ laudatur, etiam originem duxit. Nam præter
quam quod parentum bona optimo iure in filios redun
dant, vsu etiam sit plerunque ut filij, & natura, & insti
tutione, & domestica disciplina parentum moribus fa
ctisq; respondeāt. ita enim iam, & qualis futura fuerit,
& qualis exiiterit facile intelligemus. Parentes igitur
illa habuit, in quibus si a fortuna, si a corpore; si ab ani
mo spectes, nihil ad summam dignitatem desiderare pos
sis. etenim Henricus Francisci regis Gallorum filius, &
ipse etiam deinde rex fortissimus, atq; opulentissimus vi
uo patre, & mortuo nihil, quod amplissimam illam for
tunam deceret, omisit. quippe, qui a prima pueritia præ
ter cetera studia, quibus regum filij dediti esse consueue
runt arma tractare, equestria munera omnia obire sum
mo cum labore ita assuevit, ut non solū illis egregie exer
ceretur, sed etiam æquales suos in eo genere omnes supe
raret, ut regie potestatis, si natura, & legibus non esset
dis

dignissimus hac vna virtute videretur. nihil est. n. quod principes viros, quibus populorū salus cōmissa est, magis facere oporteat. tantū autem in eo genere valuit, vt procedente etate in grauissimis, periculosissq; bellis versatus Francisco patri, atque adeo vniuerso regno egregiam operam nauarit, & sibi summū decus pararit. cuius deinde regis virtutem, consiliū, & vires, & in rebus gerendis industriā omnes vehementer sunt admirati: & Britanni multis nominibus Gallico nomini insensī ita illum expauerunt, vt vix ad regiam dignitatem euecto cū primū in illos arma intentare cœpit, Bononia in Morinis munitissima vrbe cesserint, eamq; illi restituerint. pro qua recuperanda Franciscus pater multū, diuq; laborauerat: belloq; mariūmo, & terrestri saepe frustra contēderat: præclareq; secum actum esse putauerint, si intra suos fines se continerent, & pace, & affinitate Gallorū fruerentur. ipseq; Carolus V. summus ille Imperator huius fortissimi iuuenis Regis opibus, armis, virtute, & consilio sensit tandem illā suam fortunam diu victricem habuisse. multa præterea in eodē genere de fortissimo Rege referri possent: quæ ipsius gloriam cumularent: sed illud, quod ad veram laudem pertinet in eodē non est omitteūdū, quod idem ipse rex quāuis summus esset bellator, & late imperiū propagasset, cū & regie dignitati, & nomini Gallico latissime satisfecisset, ostendissetq; omnibus posse se, & scire gloriose bellare, & potentissimis hostibus esse parem a pace tamen & concordia animum nunquā habuit alienū. itaq; cum Philippo Rege depositis odijs,

que

quæ multos annos illorum patres, cum maximo totius
 Europæ incommodo, vel potius calamitate exercuerant,
 pacem non magis ex suo, quàm ex populorū, atq; adeo
 omnium mortalium usu consecuti. filiamq; Isabellā clarissimo,
 atq; opulentissimo multarumq; nationū, ac provinciarū
 Regi Philippo in matrimonium collocavit: Margaritāq;
 sororem lectissimam sœminam Allobrogū duci fortissi-
 mo viro, redditis omnibus prouincijs atq; oppidis, quibus
 multos ante annos illius pater a Francisco Rege fuerat
 spoliatus. quibus nuptijs, affinitatibusq; omnium Christia-
 norum animi ex diuturna tristitia sunt exhilarati. sed o
 rem miserabilem, atq; acerbā, in ipso nuptiarum, & cō-
 muni lætitiæ tempore ipse Henricus Rex infelicissimo
 casu occubuit. cuius interitū Regnum Gallorum opulen-
 tum, & pene antea inuictum intestinis Principū viro-
 rum seditionibus tentari est cœptum. cuius calamitatis
 quando finis futurus sit, Deus ipse nouit. hoc quidē pro
 be intelligimus Henrici virtute omnes bonos semper esse
 desideraturos. ex tali igitur tantoq; parente Isabella Hi-
 spaniarum Regina iure laudatur. Non oportet puto re-
 ferre me Gallorum Regum nobilitatem, atq; antiquita-
 tem, nec res ab illorū maioribus priscis temporibus pro
 Christiana Rep. pie fortiterq; gestas vnde nobilissimū sibi
 omnium cognomen comparauerunt, ut Christianissimi
 appellarentur. illis. n. referendis dies non sufficiat. Illuc
 potius accedamus, quo rei instituta ordo nos vocat, ut de
 Clarissima Regina Gallorum Caterina Medice matre
 aliqua dicamus. cuius si virtutes vitamq; pie & sapien-

ter, & summa cum laude peractam explicare velimus
nullum finem reperiatur hodie oratio. tot enim, tantaq; il-
la sunt, atque adeo illustres, ut quemuis eloquentem, &
quantavis copia verborum fluentem obruere possint.
nam ut omittamus quod non solum apud omnes nationes
laudabile est, sed etiam gloriosum, quod ex illustrissima
Medicorum familia, quae & Florentiam urbem praecla-
rissimam, ubi radices egit, & omnem Europam illustrat,
originem ducit: & quod ex eadem familia duorum sum-
morum Pontificum, qui Christianae Reip. summa cum
dignitate, atque auctoritate praesuerunt, nepos fuit, &
quod Laurentium Medicum Urbini ducem, & copia-
rum imperio insignem suamq; ciuitatis principem locum
obtinentem patrem habuit: & quod fratrem Alexan-
dram Medicum Florentiae ciuitatis principem vidit:
& quod consanguineos omnes suos eximys honoribus,
& dignitatibus amplissimis insignes, & postremo quod
Cosmum Medicum sibi genere & paterno sanguine pro-
ximum ad suae ciuitatis principatum nobilissimorum ciuium
suffragijs, ciuitate tota consentiente gaudentemq; meritiissi-
mo euectum, eundemq; liberis, imperio, sapientia, opibus,
gloria, victorijs florentem Ferdinandi Imperatoris filiam,
Maximilian Imperatoris sororem nurum sibi ascivisse,
& in regni parte cum Francisco filio patre dignissimo
collocasse: haec & ut alia multa omittatur, quae ad sum-
mam laudem pertinent, atq; eo magis, quod haec non ita for-
tuna beneficio, quam sapientissimorum virorum consilio ob-
uenerunt: quanti tandem illud aestimandum est, quod ipsa
Catherina

V

Catherina atate adhuc pene puerili Henrico Aureliem
suum duci filio Regio in matrimonium collocata suis amabi-
lissimis moribus non solum virum, sed socerum etiam Regem
amplissimum ita sibi amore deuinxit, ut eam non secus, ac fi-
liam dilexerit, omnisque regia domus, aulaque omnis ob egregias
animi dotes illam coluerit, amaret, atque admirata sit. quod eo
magis cognitum est, cum extincto maiore fratre in spem co-
ritius regni venit Henricus, ac tum deinde maxime cum in re-
gia dignitatem cum illo vna maximo omnium Gallorum studio
excepta est: quanto. n. magis illam fortuna extulit, tanto il-
lius mores, virtutesque clariores, atque amabiliores fuerunt.
vix credibile est quanta cum maiestate simul, et comita-
te illam personam gesserit, quantoque auxilio fuerit iuueni
Regi ad regnum constituendum, ad consilium capiendum,
ad res maximas tractandas: ut cum ille plerumque longe a do-
mo copias duceret, regnumque armis aut defenderet, aut
latius propagaret, illa interea magnam regni gubernandi
pondus summa sapientia, et aequitate sustineret, ut ad
regendos populos facta fuisse videretur in qua fortuna
cum maxima felicitate plurimos filios peperisset, multo
magis illius virtus, et lumen eluxit, posteaquam acerbissi-
mo fato viro extincto regni gubernaculum nondum puber-
ibus filiis subire coacta est. tunc. n. maximis coortis tem-
pestatibus regnum, et regem, et regiam maiestatem in maxi-
mis fluctibus seruauit incolumem, et a Britannis perpe-
tuis Gallorum hostibus defendit. cum. n. molestissime ferret
illa natio paucis ante annis Iccio portu, Calestioque oppido,
vnde in Britanniam breuissimus est cursus, se a Gallis esse

deiectam: quam possessionem ducentos annos, aut eo plures obtinuerat, & aduū omni in Gallia, vnde bellū facillime gerere consueuerat, esse exclusam, portum in eadē regione loco maxime opportuno Gallis intestinis seditionibus occupatis maxima classe improuiso inuasit, & omnibus opibus munire cœpit: periculumq; erat ne in male affecto corpore hac res aliquid maiorum incommodorum excitaret. coacto igitur magna celeritate exercitū Regina tantis copijs Britannorum praesidium oppugnare aggressa est, ut quāuis oībus viribus, & totius Britānici regni conatu hostis admitteretur portum illū defendere, tamen maxima cum clade inde reiectus quam primū fugere, & in Britanniā classem reducere coactus sit, quod factū provinciā a maxima clade, et regnū a grauissimo periculo liberauit. haec atq; alia multa de eadē Regina commemorare possemus, quae excellentē in omni genere virtutē illius aīumq; viritē indicare possent. sed adeo illustra illa sunt, & in ore, et in oculis oīum adhuc versantur, ut his referendis nō oporteat me diutius immorari. praesertim cū institutum nostrum non sit nunc eā suis laudibus celebrare, sed ab ea filiam nuper mortuā ornare. hoc tamen postremum addā illam ea fortuna, in qua est, fuisse dignissimā, nec magis illi Gallici regni maiestati ornamento fuisse, quā illa regno decori, ac praesidio fuerit. His igitur parentibus vndiq; praclarissimis Isabella in lucē data puerilibus annis sub matris, quale diximus, disciplina ita educata, atq; instructa est, ut quae discere regias filias aequum putant, oīa optime redderet, atq; id iam a studio,

studio, atq; alacritate ut omnem disciplinā prauertere.
 miro. n. ingenio prædita erat, nec leuioribus studijs, aut
 voluptatibus, quibus illa ætas præcipue ducitur, autum ap-
 plicabat. sed quæ ad Dei cultū, quæ ad regiārum ædium
 procuracione pertinent, oīa accuratissime meditabatur.
 quibus rebus est factum, ut non solum a parētibus miro
 quodā affectu diligeretur, sed omnibus, qui in aula ver-
 sabantur, admirabilis, ac veneranda videretur. præser-
 tim cum eius animi dotibus venustas etiā formæ, & di-
 gnitas quædā vere regia comitaretur. Scio hæc plerisq;
 visum iri cōia præsertim in huiuscemodi personis: quarū
 virtutes oēs pene laudibus efferre consueuerunt. sed qua
 lia fuerint, quāq; eximia ex his, quæ deinde oēs mortales
 perspexerunt, facile existimare possumus. Cum. n. mor-
 tuo Odoardo Anglorum Rege, cui pene infans a Rege
 patre ad sancienda firmandaq; fœdera desponsa fuerat,
 & ad ampliōrē, honestiōrēq; fortunā vocaretur, vix cre-
 dibile est quantopere venustate simul, & grauitate, sene-
 ritateq; non ingrata sese extulerit, ut eam dignissimā si-
 bi coniugē Philippus rex amplissimus, & opulētissimus
 fore existimari: cum qua suauissime viueret, & ex qua
 liberos susciperet. quod ab Hispanis regibus hæc memo-
 ria raro est factum. nec. n. Gallorum, & Hispanorum
 mores facile conglutinantur, nec Hispani Reges Gallicis
 matrimonijs multum student. quod tamē in hac virgine
 est factum, & ab eo Rege factum, qui ceteros oēs Reges
 imperio dignitate, et opibus superabat, ut hoc virtuti mo-
 ribusq; lectissima puella regia sit tribuendū. atq; eo etiā

magis, quod id eo tempore est confirmatum: cum mortuo
Henrico Gallorum opes pene concidisse videbantur: quo
loco cū esset, vix credibile est, quā breui Regis mariti
sibi beneuolentiā conciliarit, atq; hoc nō formae lenocinijs,
nō artificio aliquo sœmineo, sed viri miro obsequio, morū
suauitate, pudicitia, ceteris virtutibus, quae illam diuinā
potius quā humanā arguebant. nec n. quod vulgo fa-
ciunt fortunatissima sœmina, comptu, ornatuq; corporis,
margaritarūq; copia, & aestimatione reliquias superare
studebat. sed qđ illi fortuna dederat, Regina vt esset oīum
nobilissima propria virtute nitebatur, vt quāntū dignita-
te ceteras anteibat, tantum virtute oībus excelleret. qui-
bus moribus est cōsequuta, vt eā vir maximope amaret,
& cū ea concordissime viueret, & in oībus illi obsequere-
tur, & in oībus illi placere studeret, & vnā vitam bea-
tissimā cū illa traduceret. quod bonum his etiā, qui sub
earum imperio vivebāt, cōe erat. ea n. vt quae apud virū
plurimum poterat, multa multis indulgebat, sibiq; prae-
clarissimis officijs oīum pene mortalium beneuolentiā cō-
ciliabat. sed quod maximos fructus regni illius matri-
monio coniunctis, & vt verius dicam salutem afferebat,
in illud omni conatu incumbēbat, vt amicitiam arctius
etiam, atq; etiam, & mutuam beneuolentiā inter virum,
& fratrem Gallorum Regem confirmaret; atq; identidē
augeret. quae reficiebat, vt cōes hostes, qui cōmuni consilio
vtrūq; Regem oppugnant, Christianamq; remp. sua am-
bitione dilacerant, & e Germania auxilia euocant faci-
lius arcerentur, bellūq; cōi duorum regum consilio ge-
reretur.

veretur: quod ad salutem Gallici regni, & ad Regis ado-
 leſcentis, nec bene proprijs opibus committi quantum in-
 ter eſſet, nō facile dixerim. alla. n. eadē opa, & viro, & fra-
 tri pariter ſumma ſapientia qđ viriq; honeſtiſſimum erat,
 & his opibus maxime opportunū ſeruebat. qđ quidē ho-
 nū quantū, & quale fuerit vereor ne melius poſterioribus
 opibus atq; adeo breui cognoscamus: ne de cū hic proxi-
 ma neceſſitudinis natus peſſimo oīum Chriſtianorum
 ſato ſoluius ſit, eadē inter duo regna opulentiſſima natio
 nesq; ſeroces, illarūq; reges cōcordiā paulo poſt deſide-
 remus. quae quidē Deus opt. max. pro populorum piete-
 te, ſuaq; in Chriſtianū gregē clementia in melius vertat.
 ſed nos ad reliqua pgamus. cum igitur regia hāc virgo
 regio matrimonio, atq; eo quidē ampliſſimo copulata bea-
 tiſſime viueret, & mutuo viri amore, quantum fieri pōt,
 frueretur, oēsq; mortales, ſed præcipue Hiſpanos Princi-
 pes, qui alienigenas Reginas, & præſertim Gallici ſangui-
 nis non ſatis amare conſueuerunt, ſuis ſuauiſſimis mori-
 bus, admirabiliq; comitate ad ſe colendum, amādumq; cō-
 mouiſſet, vel potius coegiſſet, & iā duas filias peperiſſet,
 ſuaq; ſecūditate, qđ regiarū ſæminarum maximum bo-
 num eſſe putatur, & virum regē, & eos, qui in illius re-
 gno viuunt optima ſpē impleſſet, fructusq; certij partus
 ſumma oīum maſculæ ſobolis cupiditate expectare iur, ec-
 ce ò rē lacrimabile, atq; oīum crudeliſſimā nōdū maturo
 ſætu i ipſis partus nixibus iter nobiliſſimarū ſæminarū
 manus vix vigeſimo anno ætatis peracto morie obiit a-
 cerbiſſimā. Hic ego in tāa rerum acerbitate humaniſſi-
 mi

mi Principes, quid primum quærar? fatum ne? an natu-
ram? an potius verumq? & cœm simul calamitatē de-
plorē? ego equidē illius interitū referendo, ita mehercule
animo sum perturbatus, ut quo modo orationi finē imponā,
& solatiy rōnem aliquā inueniam, cogitare non possim.
moueor quippe amplissimi Regis Philippi agritudine, q
charissimā, dulcissimāq; coniugē cum minime timebat
extinctā audiuit, seq; vnā, & coniugē suauissima, & spe
marium liberorū, quod ex ea maxime cupiebat, orbatū
sentit. moueor misera matris calamitate, quæ & filia,
quam impense amabat, & potentiissimi Regis affinitate
sepe minime opportuno sibi carendū esse intelligit. mo-
ueor & Caroli fratris Gallorum Regis luctu, quem sora-
re suauissima, & honestissima necessitudine, quā sibi or-
namento, & prasidio fore putabat, priuatum video. mo-
ueor duplici duarum regiarum aularū calamitate, quas
ob interitū praeclarissimæ Reginæ deformatas, ac pla-
ne consternatas esse audio. moueor etiā amplissimi Prin-
cipes dolore hoc vestro ingenti, quos consanguineā Regi-
nā, quæ vestra nobilitati maximo erat ornamento, mor-
tuā lugere cerno. sed illud præterea me vehementius affi-
cit, quod hoc casu Christianæ reip. opes, quæ duorum po-
tentiſsimorum Regū concordia atq; affinitate maxime
nuebamur, tabare intelligo. Isabella namque, quæ illius
erat pietas, & sapientia, maritum Regē sui sanguinis se-
per, & Gallicarum rerum studiosissimum præstasset, ut
obliteratis penitus simulacribus, quæ longo tempore duas
angustissimas familias distraxerant, & eorū regna cō-
fecerant,

fecerant. totamq; pene Europam dilacerauerant. pax et
 concordia summa vtriusq; Regis voluntate perpetua ser-
 uaretur. ex qua. si alia. & reliqua provincia. quae in illo-
 rum sunt potestate. aut aliquo modo illis cohereret. diu-
 turna tranquillitas. fructum maximum tulissent. quae
 spes nunc ne nos frustretur. vehementer est metuendum.
 ex quo quantum malorum imminere possit Christianis
 populis. nemo. ut arbitror. est. quin intelligat. merito igitur
 cum omnibus regnis suis mœret Philippus coniux. in
 re misera Gallorum Regina mater tanto bono orbata af-
 flictaur. & frater Gallorum Rex omnisq; eius aula non
 sine ratione lugeat. & vos etiam Illustrissimi Principes.
 tanto damno accepto habetis vnde merito conquerami-
 ni. id. n. amissum est. quod nulla humana ratione repa-
 ri potest. illa tamen vna instantis malis grauissimi mœ-
 roris leuatio esse debet. quod illa. quae semper integerrime
 vixit. & pietatis. & pudiciu. ceterarumq; eximiarum
 virtutum. quae praecipue reginas faeminas ornare solent.
 exemplar fuit. altissimas illas sedes beatasq; nunc incolit.
 vnde humanam hanc vitam despiciit. reginasq; opes. quas
 tanto opere admiramur. & de quibus mortales inter se di-
 gladiare consueuerunt. pra illis aeternis contemnit. glo-
 riaturq; quod eo genere mortis praecipue elata sit: quod
 faeminas maxime beat. ut. n. principibus viris qui iuste.
 & fortiter suos populos rexerint. atq; illos defenderint.
 locus quidam eximius in caelo tribuitur. sic etiam. & ip-
 sae mulieres. & illa praecipue. quae Reges populis datura
 erant. si in ipso partu animam profuderint in praecelsas

certas

certas sedes excipiuntur, ubi perpetuo auro beatissime
fruantur. unde ex altissimo loco nunc Philippum coniu-
gem spectat, matremq; Reginam suo obitu consterna-
tam, totamq; domum regiam in squallore, & luctu ia-
centem. quorum quidem lacrimis non potest non com-
moueri: queriturq; interdum eam sati fuisse necessita-
tem, ut prius quam Regem mascula prole expleffet, po-
pulisq; quos maxime amabat, Reges iustissimos dedisset,
sibi ab hac luce discedendum fuerit. sed tamen quod ne-
cessitati hoc est summi Dei legibus parandum esse aquisi-
tum iudicat, sui desiderio mœrentes solatur, & ne se
diutius afflictere rogat; & id, quod natura, & casus
dant, aquisitum animo patiantur: se enim vitam bea-
tissimam, & omnium malorum expertem viuere, &
perpetuo victuram affirmat, & quod inter mortales
præstabat, id multo melius nunc, & meliori quidem con-
dizione inter diuos se præstaturam. Hac quidem optimi
Principes illa pollicetur. quare cum eius manibus pio
hoc officio satisfeceritis, & satis luxeritis, dolori modum
ponere æquum est: illiusq; beatissima, & nunquam satis
laudata memoria, bonusq; mœrorem, desideriumq; leni-
re.

FINIS.

Z

1448.30



